

Sukan Staf Antara Universiti di UMS

KOTA KINABALU: Kejohanan Sukan Staf Antara Universiti-Universiti Malaysia Ke-28 akan diadakan di Kampus Universiti Malaysia Sabah pada 19 hingga 25 April ini.

Sebanyak 17 buah Institusi Pengajian Tinggi Awam akan menyertai kejohanan selama seminggu ini.

Majlis perasmian kejohanan itu akan disempurnakan oleh Yang Dipertua Negeri Sabah, Tun Ahmadshah Abdullah dan Tun Canselor UMS yang akan diadakan pada 21 April di Stadium UMS, jam 3.00 petang.

Kira-kira 1,600 peserta dari 17 buah IPTA akan menyertai kejohanan ini yang mempertandingkan 14 acara. Acara-acara yang dipertandingkan

seperti bola sepak senior, bola sepak veteran, bola jaring, tarik tali, sepak takraw, bola tampar lelaki dan wanita, karom, ping pong, badminton, boling tenpin lelaki dan wanita, tenis dan karaoke.

Lokasi-lakasi pertandingan adalah di Kampus UMS dan gelanggang sekitar Kota Kinabalu.

Tema kejohanan kali ke-28 ini ialah 'Gemilang Bersatu' dengan maskot kejohanan ialah orang utan yang diberi gelaran 'gobuk'

Kejohanan sukan staf ini diadakan setiap tahun dengan tuan rumahnya dipilih secara bergilir-gilir. Objektif utama kejohanan ini adalah untuk memberi peluang warga staf di IPTA bersukan dan berekreasi di samping dapat berinteraksi di antara satu sama lain.